

793—804 obliviscere noli. Senioribus et sapientibus utere consiliariis<sup>1</sup>. Recordare Roboam filium Salomonis<sup>a</sup>. Omnis lascivia longe sit a consuetudine tua. Sint tibi verba in veritate, mores in honestate, corpus in castitate, habitus in relegione, cibus et potus in modestia<sup>2</sup>, et tempora statuta<sup>b</sup> in quo agere debeas. Indisciplinate loquele non adsuescat os tuum. Sint tibi verba simplicia sine iuramento, veritate plena, sapientiae sale condita<sup>3</sup>. Cor iudicet, antequam lingua loquatur. Multae sunt invidiae et perfidiae hominum; plurimi sunt amici in mensa, et rari in necessitate<sup>4</sup>. 5

Quid opus est plura scribere, dum optime nostis, quid saepius in cor caritatis vestrae suadere solebam. Ex meritis oboedientiae paterna benedictio filiis, ut reor, eveniet. Considera Ruben, memento Iudam, de uno patre et matre<sup>c</sup> genitos, ex 10 diversis meritis diversas habentes benedictiones. Petrus et Iudas ambo in apostolatum sunt electi, sed non ambo pari devotione secuti sunt Dominum; ideo iste elevatus est in principatum apostolatus, ipse<sup>d</sup> principi<sup>e</sup> demoniorum traditus. Stephanus et Nicolaus<sup>f</sup> in ministerium altaris<sup>g</sup> aequaliter electi, sed propter dissimilem fidem dissimilis eos consecutus est finis. Plenae sunt scripturae documentis oboedientiae; plenus est 15 mundus exemplis, quid cui ex humilitate<sup>h</sup> oboedientiae evenisset, quorum copiosam multitudinem exsuperat redemptoris nostri mirabile exemplum, de quo doctor gentium ait: 'Hoc sentite in vobis, quod et in Christo Iesu, qui cum in forma Dei esset, non rapinam arbitratus est esse se aequalem Deo, sed semetipsum exinanivit<sup>i</sup>, formam servi accipiens; oboediens Patri usque ad mortem, mortem autem crucis; propter quod 20 et Deus exaltavit illum, et dedit illi nomen, quod est super omne nomen, ut in nomine Iesu omne genu flectatur caelestium, terrestrium, et inferorum, et omnis lingua confiteatur, quia Iesus est Christus in gloria Dei patris'.

## 282.

*Alcvinus Friduino S. Petri Wiremuthensi et S. Pauli Girwensi abbati constituto gratulatur. Monet, ut officia exsequatur precesque pro se faciat.* 793—804. 25

*Cod. H fol. 98'—99'.*

*Edd. F 220, J 273. — Migne col. 498.*

SANCTISSIMO PATRI FRIDUINO<sup>5</sup> OLIM NOTUS ET SEMPER AMICUS ALCHVINUS SALUTEM.

Audiens paternam curam ovilis Christi vobis delegatam, multum me gavisum esse fateor vel de exaltatione tantae dignitatis vel de commoditate boni operis, 30 quia habes, unde te sanctis patribus nomine et meritis coaequare valeas.

Ideo, sanctissime pater, diligentius regularem vitam in loco optimo erigere studeas. Nec nova te cudere suademus, sed vetera omnimodis renovare; quia fundator et renovator eiusdem mercedis esse possunt<sup>a</sup> apud Deum. Non tibi per inanes adulationes nomen quaeras, sed Deo per sanctas admonitiones laudem. Exemplis 35 sanctorum patrum Benedicti et Ceolfredi<sup>6</sup> vivas, quatenus illorum merita sequens illorum mercede dignus efficiaris.

<sup>a</sup>) Solomonis *H.*    <sup>b</sup>) *sequitur* qd in quo agere debes *H.*    <sup>c</sup>) mare *H.*    <sup>d</sup>) *an* ille? *J.*    <sup>e</sup>) principe *H.*  
<sup>f</sup>) Nicolaus *H.*    <sup>g</sup>) alte altaris *H.*    <sup>h</sup>) humilitatis *H.*    <sup>i</sup>) exinavit *H.*

282. <sup>a</sup>) poss *H.*

1) *Cf. supra p. 315 n. 5.*    2) *Poet. Car. I, 260 v. 21:* Sit cibus et potus multum moderatus in ore.  
3) *Ibid. v. 20:* Sit quoque lingua tibi verax et sermo salubris.    4) *Cf. supra p. 99 l. 40.*    5) *Frobenius (II, 258) hunc Friduinum non diversum esse putavit ab eo Friducino, cui Alcvinus carmen dicavit (Poet. Carol. I, 259), sed hoc ideo minus probabile videtur, quia unum ut patrem veneratur, alterum natum fidelem vocat. Inter nomina abbatum gradus presbiteratus libri vitae Dunelmensis occurrit etiam Friod-* 45  
*wini presbiter (p. 7).*    6) *De quibus cf. supra p. 54. 111:* Memor esto cotidie nobilissimi patris Benedicti primi fundatoris vestri et successoris eius Ceolfredi.